



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1624. usque ad annum 1627

Fleury, Claude

August. Vind. [u.a.], 1778

VD18 90118863

§. 27. Susneus Abissinorum Rex fidem Catholicam amplexatus.

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

Sæc. XVII.
A. C. 1624.

§. XXVII.

Susneus Abissinorum Rex fidem Catholicam amplexatus.

*Puffendorff.
Intr. a Phil.
l. 7. c. 3.
Theatr. Orb.
cap. 14.*

Ab anno Christi millesimo quingentesimo trigesimo septimo Religio Catholica, quam per Viros Apostolicos propagandi facultatem Claudius Rex cognominatus Atznaffaged concesserat, in Abissinensi Regno prospera nunc forte, nunc adversa jactabatur; Menas enim Claudii Frater, Regnique Successor suis subditis, imo & Lusitanis Catholicorum Ecclesias frequentare inhibuit. Ejus tamen Filius nomine Malach-Saged, qui Religionem Christianam Dioscori Alexandrini erroribus vitiatam profitebatur, Romanæ Ecclesiæ Missionarios plurimi habebat, quin tamen ipse fidei Catholicæ nomen daret: Postquam vero Zadenghel ejus Nepos, Regni habenas circa annum Salutis nostræ millesimum sexcentissimum tertium moderari cæperat; a Patre Payfio Jesuita persuasus, Catholicam Religionem professus est, ringentibus Regni sui Proceribus, qui popularem ad seditionem concitantes Regem suum in prælio interfecerunt. Successerat eidem Susneus, qui trucidato Jacobo Spurio Missionariis fidem Catho-

Catholicam prædicandi facultatem de-
dit, & Simone Alexandrino Metropo-
lita cum suis in variis fidei colloquiis
convicto, Regisque Fratre Ras-Sce-
laxo ad Catholicam Religionem con-
verso omnes suos subditos, ut & ipsi
Ecclesiæ Romanæ Sacra profiterentur,
hortatus est, datisque literis ad sum-
mum Pontificem & Hispaniæ Regem
non modo armorum suppetias adver-
sus Galleros hostes suos petiit, sed e-
tiam suam in Catholicos propensionem
testatam reddidit, ac Paulum V. *Christi*
Vicarium, universalem, supremumque Chri-
stianæ Ecclesiæ Pastorem nominavit, pol-
licitus, se Romam Legatos decreturum,
qui ejus nomine obsequium filiale sum-
mo Pontifici exsolverent. Nondum ta-
men Rex palam Sacrosanctas Catho-
licæ fidei leges amplexus est, veritus
insidias, ac tumultus, quos Abbuna
Eutylianorum Archi-mandrita sub
auspiciis alterius Regii Fratris Jomana-
Xosi ob immutatam sectam concitabat:
eapropter Rex a Philippo III. Hispa-
niarum Rege auxiliares petebat copias,
quæ quidem ad exequendam Religio-
nis Catholicæ propagationem prompte
eidem promissæ, ob Batavorum ta-
men motus præpeditæ fuerunt. Nihilo-
minus Susneus raro veræ Religionis
ardore animatus, indictis etiam pœnis
subdi-

Sæc. XVII.
A. C. 1624.

Sæc. XVII. subditos suos ad ejurandos Diofcoriorum
 A. C. 1624. rores impulit, non sine miro fidei Catho-
 licæ incremento, dum interea Kom-
 bosamma Japonum Tyrannus Catholi-
 cos omnes ferro & flamma, omnique
 tormentorum genere insectabatur: Au-
 cto autem Abissinorum Catholicorum
 numero Rex Templum extrui, ri-
 tuque Catholico Deo vero consecrari
 jussit; cum autem incolæ Sabbathum,
 Hebræorum more, festive in Templis
 suis celebrare consuevissent, hoc ritu
 Catholicis interdicto, Damotres po-
 puli a suis Pseudo - Monachis concit-
 ati rebellionem conflagravit, mox ta-
 men a Ras Seela Christos Regis Fra-
 tre tam horrenda clade affecti, ut tri-
 bus eorum millibus, Monachisque
 schismaticis centum octoginta octo tru-
 cidatis ceteri in fugam agerentur, pau-
 cissimis ex Catholicis in hoc prælio de-
 sideratis. Insolitus hujus victoriæ suc-
 cessus ad amplectendam fidem Catho-
 licam Regi novum promptitudinis cal-
 car addidit; detinebant illum tamen
 adhuc uxores, quas gentis more plu-
 rimas habebat, tandem vero ruptis
 hisce quoque compedibus totius vitæ
 suæ noxas apud Sacerdotem pœnitenti-
 æ lacrimis eluens, cunctas pellices
 suas, retenta duntaxat prima uxore
 cum liberis suis, anno millesimo sexcent-
 tesimo

tesimo vigesimo secundo dimisit, & Sæc. XVII.
 anno Christi millesimo sexcentesimo A. C. 1624.
 vigesimo quarto palam fidei Catholicæ
 Sacra professus est, divulgato diplomate,
 in quo cunctas mutatæ Religionis caus-
 fas fusius exposuit. Sub idem tempus
 P. Alphonfus Mendesius Jesuita tan-
 quam Patriarcha a summo Pontifice
 missus advenerat, qui tamen post Sus-
 nei Regis obitum a Basilde ejus Filio
 unacum ceteris Missionariis anno In-
 carnationis Dominicæ millesimo sex-
 centesimo trigesimo secundo post hor-
 rendas Catholicorum vexationes Re-
 gno expulsus est, non sine maximo Re-
 ligionis decremento. Sub idem tem-
 pus Carmelitæ Discalceati in Arabiam &
 in Indiam ad prædicandum Christi
 Evangelium mittebantur, quos etiam
 Pontifex die vigesima septima Aprilis
 paterna prorsus Epistola ad indefes-
 sos labores, & Apostolicam constan-
 tiam hortatus est, ac pro iis Hispani
 Regis patrocinium imploravit. Eodem
 etiam tempore celeberrimus P. Josephus
 Capuccinus plurimos sui Ordinis Reli-
 giosos Constantinopolin decreverat, ut
 in Oriente fides Catholica uberiori pro-
 ventu propagaretur.

*Bull. Car-
 melit. tom. 3.
 p. 483. 485.*